



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1860

CCLXXV. Der landvogt Hans von Tobeneck gestattet dem Claus von der Marwitz dem Aeltern, lehnbare Hebungen dem Gertraud - Hospital zu Königsberg zu verpfänden, am 18. Juni 1449.

Nutzungsbedingungen

[urn:nbn:de:hbz:466:1-55515](https://nbn-resolving.org/urn:nbn:de:hbz:466:1-55515)

deme Soldin, am middeweke na der hilgen drier koninge daghe, Na der bort christi vnfers heren Im vierteygenhundersten vnde negen vnde vertigsten Jare.

Nach dem Original des Königsberger Stadtarchives No. 231.

CCLXXV. Der Landvogt Hans von Tobeneck gestattet dem Claus von der Marwitz dem Aeltern, lehnbare Gebungen dem Gertraud-Hospital zu Königsberg zu verpfänden, am 18. Juni 1449.

Vor allen, de disen briff sehen, horen lesen edder vorgebrocht werd, welches stades edder wesendes de syn, Bekenne wy hans van Tobeneck, Bruder dutzsches Ordens, vaged der Nyen Marcke, apenbar In disseme breue, dat wy vmme flytiger bede willen vnde ok vmme vormydynghe willen eyns groteren schaden, Des Erbaren vnfers leuen getruwen Olde Clawes van der Marwitze, mit willen vnde vubort synes sones Beteken, gelegen hebben vnde Jegenwordichliken In Crafft vnde maght disses vnfers breues lygen Den vorsichtigen vnseren leuen getruwen Borgermeistern vnde Radmannen to Konigesberge nu Jegenwordigen vnd allen thukamenden vp des hospitalis behuff funte Gerderuten dar suluest to konigesberge twyntich mark Jarliker Rente vnde tynses, In deme dorpe to Allenkerken vp hans scholrefchen haue edder we den na er besitten werd, munte als Im lande der Nyen Marcke gangkene is, Thu eyneme wedderkope, Als dat ere kopbriff clerliken vthwiset. De vorgnanten twyntich mark Jarliker Rente de vorgnapte Olde Clawes van der Marwitz vp des Rades vnde des hospitalis funte Gerderuten to konigesberge behuff willichliken vor vns vorluten hefft, als vorberurt is. De suluen twyntich mark de Rad to konigesberge alle Jar vp Baren scholen vnde mogen, deme hospitale funte Gerderuten to gude, frey, fredesam vnde vngehindert vp funte Mertens dach des hilghen Bischoppes. Ok schal vns Clawes van der Marwitz mit synen eruen dar van dynen, gelyk anderen vnseren Erbar mannen. To eynem Inwisere hebbe wy en den Erbaren vnfer leuen getruwen Jorgen van Wedele thum Raddune gegheuen. Hir ouer synt geweset de Erlamen vnde Erbaren vnse leue getruwen her Eggerd van Croffin, vnse kumpen, Junge Clawes van der Marwitz vnde vele mer loueswerdige. Gegheuen vnde mit vnfers ampts angehangenen Ingesegel versegelt am middeweke In der Octaua Corporis christi to deme Soldin, na der Bort christi Im vierteygenhundersten vnde Negen vnde vertigsten Jare.

Nach dem Original des Königsberger Stadtarchives No. 232.